

Xroon yuxin tsikjin ndo Pedro

Ndo Pedro xruan an ndo xroon ngajin sen titikaon ndo Cristo

¹ Jan an, Simón Pedro, kuincha na ndo Dio ixi sinta a xrée ndo Jesucristo. Ikjin xroon ji i tsayé e kain sen titikaon Ncháina, sen titikaon xranchi jan anna ixi jian ndo Dio ko ndo Jesucristo, ndo nchemé e jéina.

² Ndo Dio xrotjáanta ndo juaxruxin ko sintan-chaonnta ndo ícha ixi chuxinnta ngisen ndo Dio ko ngisen Ncháina Jesucristo.

Jian tsintee sen titikaon ndo Jesús

³ Ixi juachaxin chónnda Ndo Dio, kuinchajina ndo ko chjajina ndo kain nge e xrokondajina ixi jaña tsojuna xranchi tjaun je e ndo. Kain ña chjajina ndo nchakon kuichuxinna ndo Jesucristo ixi juachaxin ijié chónnda ndo.

⁴ Ko ó chjajina ndo kain nge e jian ko ti ndu-axin tjintee ko kaxon ti ndachro ndo tsayé ena tjume e ixi jaña tsake enta xranchi jii je e ndo ko tsintu enta nge e ndako a jii ngataon nunte xasintajni.

⁵ Méxin ti chuntianta Ncháina ko chjakon annta nche enta ti jian, ko ti chjakon annta me e, ícha jian xrochuxinnta ndo Dio.

⁶ Ko ti jian xrochuxinnta ndo Dio, me e tsinkakon en sinche anta kain nge e ti tjaunnta; ko ti tsinkakon en me e sinche anta nge e tjaunnta, me e sintakuan anta xrochon énta ko tjaka i

xrotjáanta juañao ko xrochonde enta juasaya ndo Dio;

⁷ me e sintakuan annta xrotjue enta sen kichuunta ko ti xrotjue enta sen kichuunta, kaxon ícha xrotjue enta kain chujni.

⁸ Ko siá jaña sinche enta, je a xruenxon chuntianta Ncháina Jesucristo.

⁹ Ko ngisen nche a kain ji i, nche e sen xranchi naa ni tikon a ixí tjáñe e sen ixí Ncháina Jesús juinchemé e ndo kain ijie kuachónnda sen.

¹⁰ Méxin, kichuuna, jian nche enta ko soji titikaonnta, jaña xrotjáña inta nge e kuitikaonnta ko nai a tsachrjendaxinnta cha o jian.

¹¹ Ko siá jaña sinche enta, ndo Dio xrotjáanta ndo juachaxin tsixin innta ti no tituan an Ncháina Jesucristo, ndo kuenxin ixí jéina.

¹² Méxin, jan an tsintua i syntaxraxa onnta kain ji i, maski ó no anta ko jian titikaonnta nge e nduaxin juntakuan anntana.

¹³ Ixi ti xrarichón tikinixinna syntaxraxa onnta kain ji i,

¹⁴ ixí Ncháina Jesucristo ó juinchenóna ndo íse a jii nchakon tsen enna.

¹⁵ Ko jan an syntaxraxa onnta ji i ixí maski tsen enna, ja anta xrotjáña inta nge e ntatjunta.

Sen bikon juachaxien ndo Cristo

¹⁶ Nchakon juntakuan annta juachaxin ijie chónnda Ncháina Jesucristo ko ti ndachrjanna íjngo xrokjan ndo, je a je o kuanichjana nge e bakii ngaya jáanana. Na i. Jan anna bixonxina ixí ikonna juachaxin ijie chónnda Ncháina.

17 *Bikona ji i nchakon Ndotáina Dio kuajon juachaxin ko juasaya ngajin Chjen en ndo, ko kuin anna ngajní* nichjaxin ndo ko ndachro ndo: “Ji in chjan na ícha tjua a. Tsango juaxruxin ritjén ngajin xjan.”

18 Jan anna kuin anna jaña ndachro ndo Dio, kuin anna nichjaxin ndo ngajní nchakon steki anna Ncháina Jesús ti ijnə tjuá.

19 Ko nónana ixi chijni juako sen kuachronga chijnie ndo Dio ó sa ó, me e naa chijni nduaxin. Méxin, titikaonnta nge e kuandachro sen ixi chijni me e jii xranchi naa xro i tingasáñaxin ti naxixe e, tsija nchakon ícha tsingasáña ko tsii chjiixro, jaña tsingasáña asáanta.

20 Ko tjintee tsono anta ji i: chijnie ndo Dio jixaxin xroon, jua i je o naa chujni tsienxin xranchi tjaun,

21 ixi sen kuachronga chijnie ndo Dio nichja i sen nge e je o je e sen xraxaon sen. Je e sen tsango kuitikaon sen ndo Dio ko Espíritue ndo bingijna sen kuanichja sen chijnie ndo.

2

Ni ndakua i kuachronga chijnie ndo Dio (Jud. 4-13)

¹ Sa ó bake e ni ndako a kuachronga chijnie ndo Dio tjajna Israel, ko jai ste ni jaña nche e. Je e na imao sintakuan annta na nge e nduaxin a ko me e tsitjáñaxin asáanta ixi xrondachro na ixi Ncháina*

1:17 Mt. 17:1-5; Mr. 9:2-7; Lc. 9:28-35. * **1:17 ngajní** cielo

* **2:1 Ncháina** Señor Ncháina Jesús o Ncháina Dio

jua i sinchemé e ndo ijie chondana. Ko kondeexin me e, je e na naatsitjáñaxónna.

² Kueya na xrorué e na ti tjako ni me e ko kondeexin me e itsjé na ndakua i xronichja na ti chijni jian kuajon Ncháina.

³ Ni tjako jaña tjaun na xrochónnda na itsjé tomi, ko tsjacha na tomi me e ixi tsjako na naa chijni nduaxin a. Ko me e tsamaxin na ijie ko jaña tsitjáña na.

⁴ Ndo Dio tjáñe a ndo nge e ndako a juinche e sen ángel ko maski ángel sen xruan an ndo sen ti naxixe e, steje e sen nti a ko jichroaxin sen chika cadena tsitjaja nchakon sinchéña ndo ijie ngajin sen.

⁵ Ko kaxon tjáñe a ndo Dio ti ndako a juinche e ni kuintee sa ó nchakon bake e ndo Noé. Je e ndo xruan an ndo naa ichrin soji ko kain na kuinteken en na. Je e ndo Noé kuanichje e ndo chujni xranchi jian xrojuinche e na, ko je e ndo ko íjngo yaatō chujni xro an nge e kon en sen.

⁶ Kaxon ndo Dio juinchetjáña ndo ni tjajna Sodoma ko Gomorra, iche na ko kao kain nge e ikjan nteso, ixi jaña tsikon chujni ndakua i nche e jai siá tsintue a na ti ndako a nche e na.

⁷ Ko ndo Dio bingijna ndo ndo Lot ixi je e ndo naa ngisen jian ko tsango bakaa ndo juachjaon kondeexin ni tjajna me e ndako a kuanche e na.

⁸ Ndo Lot jian aséen ndo maski kao ndo bake e ndo tjajna me e, ko kain nchakon bakaa ndo juachjaon kondeexin ti ña i bakikon ndo ko baki en ndo ti kuanche e na.

⁹ Ndo Dio jaña tjakoina ndo tsingijna ndo sen titikaon ndo ixi nchijí aséen sen, maski kueya

nge e tangi tsatsinga sen. Ko ni ña i, tangi tsintekon en ña nchakon sinchéña ndo Dio ijie ngajin ña.

¹⁰ Ko ícha tangi tson en ni titikaon a nge e tituan an Ncháina Jesús ko nche e ña nge e ndako a xraxaon aséen ña.

Titikaon a ña ko xrakon a ña, nichjangí e ña sen ángel chónða juachaxin.

¹¹ Nchakon sinchéña ndo Dio ijie, sen ángel, maski chónða sen ícha juachaxin ixi ni ndako a tjako, tsondachro a sen xrojan nge e ndako a ngajin ni me e.

¹² Ni me e xranchi iko tienxin a ba, jaña ste je e ña ko xranchi iko jaña tsen en ña kaxon, ixi nichja ña ti tienxin a ña.

¹³ Juaxruxin tintee ña ixi ti ndakua i nche e ña ngujngu nchakon ko méxin tsikaon ña kondeexin ti ndako a nche e ña. Ko tosue eni nge e ndako a nche e ña nchakon nteku unta ña kia chondanta ixi nti a nche e ndako a nche e ña ko stetsje e itsjé chujni.

¹⁴ Ni me e tikakuenxin ña kain nchri ko tonchrje a ña nche e ña ti ndakua i. Ncheye e ña ni nandá tjangíxin titikaon ndo Dio ko tjaun ña xrochónða ña kain nge e ndachro aséen ña.

¹⁵ Kuintu e ña cha o jian ko rué e ña chaoé xi Balaam, chjen en xi Beor. Je e xa bake e xa juaxruxin ixi juacha xa kueya tomi kondeexin ti ña i kuanche e xa.

¹⁶ Ko kondeexin ti ndakua i juinche e xa, méxin, naa kuntajno, kunchri, nichje e ba xa xranchi nichja chujni, ko kuyakutee ba xa; méxin, jaña kuintu e xa nge e ña i kuanche e xa.

¹⁷ Ni ndako a t̄jako, ni me e ste n̄a xranchi naa tuye yaso e jit̄jiá i inda, ko xranchi it̄juí tikao chrinto soji. Ndo Dio tsajon ndo juachaxin tsikaon n̄a ko tsintee n̄a ti naxixe e kain nchakon.

¹⁸ Ko je e n̄a nichja n̄a chijni chaxro ngajin kain chujni ko me e t̄jinte a. Je e n̄a t̄jaun n̄a xrochón̄da n̄a itsjé nchri ko jaña nchekateyana sinche e chujni ti ndakua i, chujni nandá t̄jaun tsintu e nge e ndako a.

¹⁹ Ndachro n̄a chao sinche eni nge e t̄jaunni, ko je e n̄a jua i tintu e n̄a ti ndako a nche e n̄a; ixi ni nche e naa nge e ndako a, ti ndako a me e tituan an aséen n̄a.

²⁰ Ko ni ó ch́uxin Ncháina Jesucristo, ndo nchemé e jíee n̄a kuintu e n̄a nge e ndako a jii ngata a nunte xasintajni. Ko siá t̄jume e tsajon n̄a juachaxin ngajin xi ña i sincheye e xa n̄a íjngo, jaña ti ndako a ícha tsituan an ngajin aséen n̄a.

²¹ Cháña xrokuichuxin a n̄a chijni jian juako ndo Dio, ke jai ch́uxin n̄a chijni ko tsintu e n̄a nge e kuetuan an ndo Dio.

²² Ni ña nduaxin nche e n̄a xranchi ndachro naa chijni seno: “Kunia tonkjan ba ko t̄jume e ikjan ba ine ba ti konkjan ba”, ko kaxon jii naa chijni ndachro “Kuchinga nandá tsikjengi ba, ikjan ba ngangí nchita o.”

3

Nchakon ts̄ji Ncháina Jesús

¹ Kichuuna t̄jua anta, ji i xroon yuxin ikjin. Ko kayuxin xroon ntat̄junta ixi xroxraxaonnta jian ko ti ndako sinche enta.

² Xraxaonnta nge e tsichronga sen kuachronga chijnie ndo Dio ó sa ó, ko chijni kuetuan an Ncháina Jesús, ndo juinchemé e jéina, chijni me e jointakuan annta sen apóstol.

³ *Xrokonda xrokono anta jii: ixi nchakon tsjexin xasintajni tsii chujni tsjanao na ti jian kua-jon ndo Dio, ko je o tsitikaon na kain ti nge e ña i xraxaon na.

⁴ Je e na tsjanchangi na: “Nge e kon en ti tsindachro ndo Cristo ixi xrokjan ndo, ixi ó kuen en sen tachrí ina, sen bake e ó sa ó, ixi naxraje o jii kain nge e xranchi xrangíxin nunte xasintajni.”

⁵ Ko ni me e tjauna na tsitikaon na ixi ti xrangíxixión ndo Dio juinchéña ndo ngajni ko nunte xasintajni, ko je e ndo je o kuituan an ndo ko inche kuachrjengíxin nche inda.

⁶ Ko kaxon inda juinchetjáñaxin ndo kain nge e bake e nunte xasintajni* nchakon me e.

⁷ Ko ndo Dio ndachro ndo ixi tsiji nchakon ngajni ko nunte xasintajni jii jai, tsitjáña ixi xro i, kain nge e xroche nchakon ndo Dio sinchéña ndo ijie ngajin kain chujni ko sinchetjáña ndo ni ndakua i nche e.

⁸ Méxin, kichuuna, tjáña inta ixi Ncháina Jesús tikon ndo naa nchakon xranchi mil nano ko mil nano tikon ndo xranchi xrokjui naa nchakon.

⁹ Je a ixi Ncháina jitonchrjen en ndo sinche e ndo nge e tsindachro ndo, xranchi jaña xraxaon kaxin na. Na i. Je e Ncháina jichón en ndo ixi xro an chujni tsitjáña, ixi tjaun ndo kain chujni xrochuntia na ngajin ndo.

3:3 Jud. 1:18. * 3:6 xasintajni mundo

10 *Ko nchakon xrokjan Ncháina Jesús, nchakon ninaa jaina xraxaonna tson en ji i, xranchi nche e naa xiche e tixin in xa naa nchia tsee xa. Nchakon me e, naa tsjatexon tsin enni ko ngajní tsatanka ko xroxronkana, ko kain nge e jii ngajní xroche ko kain nge e jii nunte xasintajni ko xasintajni naatsitjáñaxón.

11 Jaña tsitjáña kain nge e, méxin, ja anta jian xraxaonnta ko titikaonnta ndo Dio.

12 Ko chon énnata nchakon tsii ndo Dio ko sinchéña ndo ijie, méxin chjakon annta nchetjúanta asáanta. Nchakon me e tsitjáña ngajní ko nchanotsé ko kain nge e jii noi ixi xro i tsatangaxin.

13 *Ko jaina stechon enna naa ngajní natjúá ko naa nunte natjúá, xranchi tsindachro ndo Dio tsajon ndo. Nti a tsango chaxro ko jian tsake e.

14 Méxin, kichuuna, ti xrastechon ennta tsii nchakon tson en kain me e, ixi nchijíi asáanta tjéenta ixi jian nge e sinche enta, jaña tsikon ndo Dio juaxruxin stenta ko chonda inta ijie.

15 Sintaxiñaonta ixi Ncháina jichón en ndo ixi jaina tsitjáña ina. Ndo kichuuna Pablo kaxon ikjin ndo ji i ixi juachaxien ndo Dio kuayé e ndo.

16 Kain xroon tsikjin ndo ndachro ja in, maski jii naa chijni tienxin ani. Ko me e, ni noe a ko tienxin a na ko soji a chuntia na Ncháina méxin ndakua i tjako na, ko jaña kaxon ikaxin chijnie ndo Dio tienxin a na, méxin je o na tjée na nge e tsitjáñaxin aséen na.

¹⁷ Méxin, kichuuna, ó no anta kain jii ko tsje enta jian xranchi nche enta ko jaña xro an chujni ña i sintaya anta, ko tintue anta tsitikaonnta ndo Dio.

¹⁸ Ko cháña nche enta jian, jaña ícha xrochuxinnta Ncháina Jesucristo, ndo nchemé e ijie chondana, ko je e ndo tsingijnanta ndo xrotjue enta kain chujni. Tajonna juasaya ngajin Ncháina jai ko kain nchakon. Jaña tson en.

**Chijnie ndo Jesucristo
Popoloca, San Luís Temalacayuca: Chijnie ndo
Jesucristo New Testament**

copyright © 2016 Wycliffe Bible Translators, Inc.

Language: Popoloca, San Luís Temalacayuca

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 18 Apr 2025 from source files
dated 29 Jan 2022

ee37a138-f1b9-51ef-b60f-e89d6de4d06f